

թեամբ: Մեր ժողովուրդը մի քանի խելագարների պատճառով կասկածալոր է դառնում կառավարության աչքում:

— Միթե՞ կայ հայերի մեջ այդ տեսակ երիտասարդություն, — հարցրեց Ասլանը զարմացած կերպով:

— Դժբախտաբար կայ, բայց դեռ նոր է ծնւում, դեռ նոր է կազմակերպւում: Բայց թե՛ ես, որ իմ սուրբ պարտաւորութիւնն եմ համարում, եւ թե՛ փաշան, որ Նոյնքան Նախանձախնդիր է այդ գործում, ամեն ջանք պետք է գործ դնենք, որպէսզի այդ չարիքը քանդենք հենց իր ծնունդի մեջ:

Ասլանը ոչինչ չպատասխանեց եւ ինձ ներս կանչեց:

— Ասացեք խնդրեմ, սրբազան հայր, — խօսքը փոխեց Նա, — ձեր վանքերում չէ՞ն գտնւում հին բժշկարաններ, դա ինձ համար, որպէս բժշկի, շատ հետաքրքիր է: Հայոց բժշկարանները, ըստ մեծի մասին թարգմանած լինելով արաբականից, այժմ արաբերէնի մեջ շատերի բնագիրը կորած է. ես մեծ յոյս ունեմ հայերէն թարգմանութիւնների մեջ գտնել այն կորած գրքերը:

— Գրչագիր բժշկարաններ կարելի է գտնել մեր վանքերում, — պատասխանեց սրբազանը, — ինձ եւս շատ անգամ պատահել է տեսնել: Կարելի է գտնել նաեւ մասնաւոր տներում:

— Ի հարկէ, ձեզ պետք է յայտնի լինեն այն վանքերը, որոնց մեջ անելի մեծ թոով գրչագրեր են պահպանուել:

— Ինչպէս չէ, բոլորը յայտնի են, օրինակ, Վարազայ վանքը, ծովի մեջ գտնուած երեք կղզիները, որոնց իւրաքանչիւրի մեջ մի-մի անապատ կայ, եւ ուրիշ շատ վանքեր, որոնք գտնւում են իմ վիճակի մեջ:

— Դուք ինձ շատ կը պարտաւորեիք, սրբազան հայր, եթէ կը շնորհեիք ինձ մի թուղթ, որ ձեր թեմի մեջ գտնուած վանքերում, որտեղ կը պատահեր ինձ լինել, ցոյց տային ինձ գրչագիրները: Ես նրանց չէի շարժի իրանց տեղից, բայց եթէ իմ նպատակներին յարմար բան գտնեի, կը խնդրեի, որ արտագրեն ինձ համար:

— Մեծ ուրախութեամբ: Ես կը հրամայեմ հենց այսօր պատրաստեն այդ թուղթը: Նրա մեջ նշանակուած կը լինեն բոլոր վանքերի անունները, որոնց մեջ գտնւում են գրչադիրները:

— Շատ շնորհակալ եմ, ձեր թուղթը ինձ համար միեւնոյն ժամանակ մի տեսակ ուղեցոյց կը լինի:

Սրբազանը հրամայեց երկրորդ անգամ սուրճ տան եւ կանչեց իր քարտուղարին: